

[4. **Epilampra fallax**, sp. n. (Tab. IV. fig. 36.)

♀. Gracilis, *E. mexicana* affinis, fulvo-testacea vel flavo-lutea. Caput minutum, fronte et occipite variabiliter fusco-picturatis. Oculi invicem *magis remoti*, vertex inter illos quam eorum latitudo latior. Pronotum fornicatum, ubique subtilissime fusco-punctulatum, punctis nigris majoribus utrinque et in marginibus conspersum; marginibus lateralibus subtus anguste fuscis, saltem anterieus; disci pictura lyrata fusco-marmorata plus minus distincta vel tantum fusco-punctata vel maculosa. Elytra sat pallida, abdomen haud longe superantia, margine costali ultra medium recto; omnino sparse fusco- vel rufo-punctulata, vel irrorata; serie punctorum in vena principali notata nonnullisque in parte apicali; basi vena discoidali et intus ad venam analem, nigra; campo marginali pallidiore vel tantum linea humerali lutescente. Alæ subhyalinæ. Campus anterior modice latus, apice rotundatus, posteriorem leviter superans. Campi marginalis venæ partim inquinatæ; margo anterior ultra medium luteo-opacus, apice fusco-punctatus. Campus posterior venis fuscescentibus. Pedes testacei, punctis raris fuscis; coxis ad margines frequenter fusco-maculosis; tibiis et femoribus ad spinas frequenter fusco-punctatis; tarsorum articulis supra apice fuscis. Spinæ femorum anticorum ut in *E. mexicana*. Abdomen supra plus minus fuscum, testaceo-limbatur, segmentorum angulis acutissimis nec tamen sensim productis, nec spinosis; 7° segmento tota latitudine prominulo, angulis paulo retro-productis, rotundatis. Lamina supra-analis producta, rotundata, fissa, basi nigra. Subtus abdomen testaceum, nigro-punctulatum seriebusque transversis punctorum majorum; segmentis utrinque fusco-maculosis. Ultimum segmentum ventrale margine inter cercos arcuato, basi nigro-bimaculatum, maculis nonnunquam retro-productis, variabilibus. Cerci apice minute nigri.

Var. *a.* Pallida, elytris sparse punctatis.—*b.* Lamina supra-analis incisa, rotundato-bilobata.—*c.* Lamina supra-analis vix vel haud incisa.—*d.* Ultimum segmentum ventrale inter cercos magis productum, valde arcuatum; lamina supra-anali itaque minus prominula.

♂. Oculi invicem minus remoti; vertex inter illos eorum latitudine paulo angustior. Abdomen subtus frequenter pallidum, lamina supra-analis basi granulata, incisa, rotundato-bilobata.

♀. Long. 32; elytr. 28, pronot. 7.75, latit. pronot. 9.25 millim.

♂. Long. 26; elytr. 25, pronot. 6, latit. pronot. 7 millim.

*Hab.* BRAZIL, St. Catharina (*H. Fruhstorfer*, in *Mus. Genavense*).

This species, like *E. imitatrix*, has been described to prevent confusion with *E. mexicana*.]

5. **Epilampra conspersa**, Burm. (Tab. IV. fig. 38.)

*Epilampra conspersa*, Burm. Handb. ii. p. 505; Brunner de W. Syst. Blatt. p. 190. 26.

♀. Griseo-fulvescens, *E. fallaci* formis affinis, at gracilior. Caput haud fusco-pictum; oculi invicem quam ocelli magis remoti, vertice eorum latitudine plus quam sesqui-latior. Pronotum sat minutum, utrinque deflexum, unicolor, disco haud fusco-vario. Caput totum ore excepto et pronotum omnino densissime, subtilissime fusco- vel brunneo-punctulata. Elytra abdomen superantia, leviter obsoletissime griseo-undato-nebulosa (in modo *E. nebulosæ* et *E. jaspideæ*), maculis leviter pallidioribus obsoletis conspersa. Campi discoidalis dimidia pars basalis et campus analis totus coriacei, per transluciditatem inter venas minute dupliciter punctato-areolati, areolis vel circuitu areolarum rufis. Pars obtecta elytri dextri magna parte rufa, pallide maculosa vel marmorata. Alæ campo anteriore sat angusto, ferrugineo; campo posteriore nebuloso, venis ferrugineis. Campus anterior ad costam ultra medium rufo-fuscus, subopacus, subtus pallidior; apice ad marginem rufo-fuscus. Margo costalis apice modice arcuatus; apex campi rotundatus, campum posteriorem haud superans. Margo apicalis alæ vix sinuatus; aream membranaceam intercalatam distinctam obferens. Pedes testaceo-rufescentes. Abdomen flavo-rufum vel infuscatum; marginibus segmentorum dorsalium pallidioribus. Anguli segmentorum acutissime producti. Lamina supra-analis valde producta, cercos superans, profunde incisa, rotundato-bilobata. Cerci apice minute nigri. Ultimum segmentum ventrale inter cercos utrinque angulatim fere excisum, in medio productum, late rotundatum.